

路傍有尺許泉穴，人到傍嘗之，則忽熱，湯滄渠為，又如叫喚，俗呼曰後妻湯。詳于水部蓋能治金瘡，灌

洗眼湯。在右近處。

泉穴狀似妬湯，能治眼病，洗之佳。

〔和漢三才圖會五十七〕妒女泉。咄泉，俗云後妻湯，字波奈利由。

陳眉公秘笈云：并州有妒女泉，婦人靚粧綵服，至其地必興雲雨。

寰宇記云：安豐郡咄泉，在淨戒寺北，至泉旁大叫則大湧，小叫則小湧，若咄之，其湧出彌甚，世人奇之，號曰咄泉。

按有馬溫泉之傍，有後妻湯，人向之罵詈急湧上，宛然怒恚貌，俗呼曰後妻湯。

駿州有媼之池。江尻近處相傳有一婦性頑妬，而文祿二年八月八日投于池死焉，人至池涯呼曰媼，則忽泡沫滄渠，若大叱之，則彌湧甚，蓋為彼靈所業者妄誕也。自然陰陽攻伐之氣，令然也。但妒婦後妻名，和漢共附會耳。

〔羅山詩集三〕妬湯。此湯善治金瘡云。

湯泉之傍數十步，有一小湯，形如盆池，其沸少許，俗名曰妬湯。夫愚溪之愚，貪泉之貪，淫泉之淫，類中華既有之，豈可枚數哉？吳隱之酌貪泉曰：試使夷齊飲，終不換此心。由是觀之，若文王在上，任姒在內，使天下無曠夫，無怨婦，則此妬湯縱至於瀾漫，何得使人為娟妬乎？奈其不然，何哉？彼長門宮未聞有妬湯也，而陳皇后頗妬忌，方今闔國適妾亂，而貴賤混，婦姑勃醜，而閨門妾媵，豈此妬湯云乎哉？崇替去來之甚者，其寵惑乎？掌上有蓮，眼裏有棘，以新間舊，故以色而事人者，色衰而愛弛，是嬖惑之害也。豈翹男女之欲而已哉？君子小人亦然，故書曰：人之有技，媚疾以惡之，不能保子孫，黎民亦曰：殆哉，嗚呼，不可不懼而戒矣。